



1 4
1544
12





鄭氏古文尚書

卷一

宋

王應麟撰集

羅江

李調元

贊校

鄭氏註

虞夏書

堯典第一

曰若稽古帝堯曰放勳

放孔方往反  
鄭王如字

稽同也古天也言能順天而行與之同功

尚書  
正義

欽明文思安安

敬事即謂之欽照臨四方謂之明經緯天地謂

之文慮深通敏謂之思

同前

鄭氏古文尚書

卷一



鄭氏古文尚書

卷一

宋

王應麟撰集

羅江

李調元

贊

校

鄭氏註

虞夏書

堯典第一

曰若稽古帝堯曰放勳

放孔方往反  
鄭王如字

稽同也古天也言能順天而行與之同功

尚書  
正義

欽明文思安安

敬事節用謂之欽照臨四方謂之明經緯天地謂

之文慮深通敏謂之思

同前



按後漢書馮衍傳注尚書考靈耀曰放勳欽明  
文思晏晏鄭元注曰寬容覆載謂之晏

允恭克讓

不懈於位曰恭推賢尚善曰讓同上

光被四表格于上下

言堯德光耀及四海之外至於天地所謂大人與

天地合其德與日月合其明詩噫嘻正義

按合字詩正義引作齊

克明俊德

俊德賢才兼人者尚書正義

以親九族

上自高祖下至元孫凡九族釋文

九族既睦辯章百姓

按史記索隱曰古文尚書作平今文作辯章古

平字亦作便音婢緣反便則訓辯遂為辯章

辯別也章明也後漢書劉愷傳注百姓羣臣之父子兄弟

裴駟史記注

按原本脫之字據史記集解增

乃命羲和

高辛氏之世命重為南正司天犁為火正司地堯



育重犁之後羲氏和氏之子賢者使掌舊職天地之官亦紀於近命以民事其時官名蓋曰稷司徒

周禮疏序

按原本脫使字據周禮疏序增

### 分命羲仲

官名蓋春為秩宗夏為司馬秋為士冬為共工仲叔亦羲和之子堯既分陰陽為四時又命四子為之官又主方岳之事是為四岳掌四時者字曰仲

叔則掌天地者其曰伯乎

同上潛潭輔錄又陶

日中星鳥以殷仲春

日中宵中者日見之漏與不見者齊也  
詩東方未明正

星鳥鶉火之方

詩七月正義

日中者日見之漏與不見

者齊

禮記月令正義周禮挈壺氏疏

殷中也

釋又

月令仲春日夜分正義引云日中星以為日見漏五十五刻不見漏四十五刻與此小異  
亦見東方

未明正義

### 寅賓出日

春分朝日

尚書正義

申命羲叔宅南郊

鄭氏古文尚書



夏不言曰明都三字者摩滅也尚書正義

日永星火

按詩東方未明云日永者日見之漏五十五刻日不見之漏四十五刻

日長者日見之漏五十五刻於四時最長也禮記月令

正義周禮挈壺氏疏星火大火之屬詩七月正義

按詩七月正義引云司馬之職治南岳之事得則夏氣和夏至之氣昏火星中所以五月得火星中者

鳥獸希革

按說文希作希

夏時鳥獸毛疏皮見詩斯于正義

分命和仲

按和叔下疑有宅西二字度西曰柳穀度音宅

羣經音辨

西者隴西之西今人謂之允山裴駟史記注國志劉昭注郡

寅饒納日

秋分夕月尚書正義

宵中星虛

夜中者日不見之漏與見者齊禮記月令正義虛



元武中虛宿也詩七月正義

鳥獸毛毳

毳理也毛更生整理天官司表疏

按司表註引此經作鳥獸毳毳疏云堯典文釋

文云毳音毛

日短星昴

日短者日見之漏四十五刻於四時最短禮記月令正義

周禮挈壺氏疏昴白虎中宿也詩七月正義

厥民與

與內也文選赭白馬賦注

以閏月正四時成歲

按史記五帝紀作正今文尚書及公羊隱元年

傳並作定

以閏月推四時使啓閉分至不失其常著用成歲

歷將授民時且記時事公羊疏

帝曰疇咨若時登庸

堯之末年羲和之子皆死庶績多闕而官廢當此

之時驩兜共工更相薦舉周禮疏序

允子朱

帝之允子曰朱也尚書正義



按史記正義引云帝堯允嗣之子名曰開明也  
帝曰咨四岳

四岳四時之官主方岳之事始羲和之時主四岳者謂之四伯至其死分岳事置八伯皆王官其八伯惟驩兜共工放齊咎四人而已其餘四人無文可知  
周禮疏序詩  
崧高正義

按首一句亦見史記集解又岳事詩正義作四岳周禮疏序作岳事又周禮疏序作咎路史作

縣

共工方鳩儻功

共工水官也  
周禮疏序  
史記注其人名氏未聞先祖居

官故以官氏也  
尚書  
正義

按史記集解引云共工水官名

方命圮族  
方音放  
釋文

異哉  
片音異  
同上

浸能庸命巽朕位

言汝諸侯之中有能順事用天命者入處我位統

治天子之事者乎  
史記注

按原本脫能字據史記集解增

我其試哉  
馬鄭王本說此經皆無帝曰  
當時庸生之徒漏之也



試以為臣之事

尚書正義

女于時

不言妻者不告其父不序其正

同上

慎徽五典

五典五教也蓋試以司徒之職

史記註

賓于四門

賓讀為擯舜為上擯以迎諸侯

尚書正義 應麟案賓古文擯見鄉

飲酒禮註蘇秦傳長賓之義作擯

內于大麓

山足曰麓麓者錄也古者天子命大事命諸侯則

為壇之外堯聚諸侯命舜陟位居攝致天下之事

使大錄之

大傳注 史發揮五路

按路史發揮上引虞夏傳下引康成語蓋尚書

大傳注非尚書注也又見盧刻尚書大傳卷一

第三翻

乃言底可績三年

三年者賓四門之後三年也

史記註

正月上日

帝王易代莫不改正堯正建丑舜正建子此時未

改堯正故云正月上日即政乃改堯正故云月正



元日

同上

按今殿本史記正義引云帝王易代莫不改正建朔舜正建子此時未改故依堯正月上日也與此詳畧互異又路史後紀卷十二堯建丑舜建子

受終於文祖

文祖者五府之大名猶周之明堂史記註在璿璣玉衡以齊七政

轉運者為璣持正者為衡璿璣玉衡渾天儀也七政日月五星也文選運命論註

按上二句正義引下四句集解引

肆類于上帝

禮祭上帝于圜丘史記註

禋于六宗

按禋烟也取其氣達升報于陽也見通典吉禮

六宗星辰司中司命風伯雨師星謂五緯也辰謂日月所會十二次也司中司命文昌第五第四星也風師箕也雨師畢也尚書正義

按星字下書正義謂字玩文義當從增又史

記集解通典吉禮風伯作風師



徧于羣神

徧以尊卑次秩祭之羣神邱陵墳衍之屬

詩時邁正義

般正義史記注

按史記集解引作若邱陵墳衍

歲二月東巡守至於岱宗柴望秩于山川肆覲東后協時月正日同律度量衡修五禮五玉三帛二生一死贄如五器卒乃復五月南巡守至于南岳如岱禮八月西巡守至于西岳如初十有一月朔巡守至于北岳如初禮歸格于藝祖用特

按何休公羊傳注引此經至于北岳下有如西

禮還至嵩六字如初下有禮字共增多七字

云皆舜典文也

歲二月者正歲建卯之月也巡守者行視所守也岱宗者東嶽名也柴者考績燎也望秩于山川者遍以尊卑祭之五嶽視三公四瀆視諸侯其餘小者或視卿大夫或視伯子男矣秩次也東后東方之諸侯也協正四時之月數及日名備有失誤者度丈量斗斛衡斤兩五禮公侯伯子男朝聘之禮矣五玉瑞節執之曰瑞陳列曰玉也三帛所以薦玉也受瑞玉者以帛薦之帛必三者高陽之後



用赤繒高辛之後用黑繒其餘諸侯皆用白繒周禮改之為纁也二生一死贄者兼雁生也卿大夫所執雉死士所執也如若以物相授與之言授贄之器有五卿大夫上士中士下士也器各異飾飾未聞所用也周禮改之飾羔雁飾雉執之而已皆去器卒已也復歸也巡守禮畢乃反歸矣每歸用特牛告於文祖矣五月不言於者以其文相近八月十一月言初者文相遠故也

公羊疏

按史記集解引此注云建卯之月也柴祭東嶽者考績柴燎也 又引云同音律度丈尺量斗

斛衡斤兩也又引云帛所以薦玉也必三者高陽氏後用赤繒高辛氏後用黑繒其餘諸侯皆用白繒又引云五玉即五瑞也執之曰瑞陳列曰玉 又史記正義引云贄之言至所以自致也 又據公羊疏建卯之月下增一也字 又文選六代論注引作稱上曰衡 又檀弓正義引高陽之後三句有二氏字無皆字

五載一巡守羣后四朝

釋文引鄭註云四朝四季朝京師也

巡守之年諸侯見

一作朝

于方嶽之下其間四年四

方諸侯分來朝於京師歲徧是也

王制正義史記註



天子以四海為家時一巡省之五年若虞夏之制周以十二年路史後紀十一

肇十有二州封十有二山濬川

舜以青州越海而分齊為營州冀州南北大遠分衛為并州燕以北為幽州新置三州并舊為十二

州也

爾雅釋文

更為之定界濬水害也

史記註

象以典刑

正刑五加之流宥鞭朴贖刑比之謂九刑周禮司刑疏

流宥五刑

其疑者或流放之四罪是也

尚書正義

按史記正義引鄭云一曰弗識二曰過失三曰

遺忘也又疑字書正義作輕

扑作教刑

朴槓楚也朴為教官為刑者史記註

青災肆赦

青災為人作患害者也過失雖有害則赦之同上

怙終賊刑

怙其姦邪終身以為殘賊則用刑之同上

流共工于幽州放驩兇于崇山竄三苗于三危殛鯀于羽山

鄭氏古文尚書

卷一



舜不刑此四人者以為堯臣不忍刑之尚書正義

義曰鄭氏具引文十八年左傳之文乃云命驩兜舉共工則驩兜為渾敦也共工為窮奇也蘇為構

杌也而三苗為饗餐

按舜不刑此十五字書正義無此文惟引鄭云

禹治水畢乃流四凶又原本作鄭氏其引尚書

正義作具引宜從改

闕四門 闕四門者亦因

師是後之取法於前也詩緇衣正義

師是後之取法於前也詩緇衣正義

按原本亦因卿下脫士字據詩正義增

柔遠能邇

能恣也詩民勞正義

熙帝之載

載行也尚書正義

伯禹作司空

初堯冬官為共工舜舉禹治水堯知其有聖德

強必成功故改命司空以官名寵異之非常官也

至禹登百揆之任拾司空之職為共工與虞故曰

垂作共工益作朕虞是也周禮疏序考工記疏



讓于稷

稷棄也初堯天官為稷時天下賴后稷之功故以

官名通稱周禮疏序尚書正義

帝曰俞汝往哉

然其舉得其人汝往居此官不聽其所讓也史記註

據史記集解未增一也字

帝曰棄黎民阻飢汝后稷播時百穀阻馬本作祖云始也

按史記集解徐廣曰今文尚書云祖飢

阻讀曰俎阻厄也時讀曰時始者洪水時衆民厄

于飢汝居稷官種時五穀以救活之詩思文正義史記註

當云阻讀為祖焉訓為始鄭訓為厄

按原本厄訛危據詩正義改

五品不遜

五品父母兄弟子也史記註

蠻夷猾夏

猾夏侵亂中國也同上

寇賊姦軌

強聚為寇殺人為賊由內為姦起外為軌周禮司刑疏

按史記集解引下二句

汝作士

鄭氏古文尚書

卷一

十三



士察也主察獄訟之事尚書正義

五服三就

三就原野也市朝也甸師氏也尚書正義

五流有宅五宅三居宅知嫁反釋文

宅讀曰咤懲艾之器謂五刑之流皆有器懲艾五

咤者是五種之器謂桎一梏二拳三三處者自九

州之外至於四海三分其地遠近若周之夷服鎮

服蕃服王制正義

按原本皆有下脫器字據王制正義增又二處  
以下十六字今文王制正義無

禹曰益哉馬王本同尚書正義

汝作朕虞

言朕虞重鳥獸草木尚書正義

有能典朕三禮

天事地事人事之禮也史記註

汝作秩宗

主次秩尊卑同上

教胄子

國子也同上

歌詠言

鄭氏古文尚書



歌所以長言詩之意詩正義

聲依詠律和聲

聲之曲折又依長言聲中律乃為和也史記註

神人以和

祖考來格羣后德讓其一隅也同上

按同上二字考史記集解補

予擊石拊石百獸率舞

百獸服不氏所養者也率舞言音和也同上

龍朕聖讒說殄行震驚朕師

所謂色取仁而行違是驚動我之衆臣使之疑惑

咨汝二十有二人

十二牧禹垂益及折伯與朱虎熊羆伯夷夔龍皆

月正元日格于文祖時所敕命也尚書正義史記註

按十二牧句乃王氏揣摩正義兩得之者然正義

本宗孔鄭說以及折伯與為二臣朱虎熊羆為

二臣故云鄭以為二十二人數及折伯與朱虎

熊羆不數四岳蓋孔數四岳不數及折等四臣

故正義云然王氏不數及折伯與二臣蓋誤以

朱虎熊羆為四人也今據正義增及折伯與四



字

分比三苗

流四凶者卿為伯子大夫為男降其位耳猶為國君所竄三苗為西裔諸侯者猶為惡乃復分析一作

比流之

史記註尚書正義

按所竄書正義引作故以蓋孔語也此所竄以下皆史記集解所引全文又諸侯下原本無若字今據史記集解增

舜生三十

謂生三十年也

尚書正義

登庸二十

歷試二十年

同上

在位五十載陟方乃死

攝位至死為五十年舜年一百歲

同上



（Faint bleed-through text from the reverse side of the page, including characters like '五', '十', '年', '月', '日'.)

鄭氏古文尚書

卷二

宋 玉應麟撰集

羅江 李調元贊撰按

鄭氏註

虞夏書

臯陶謨第二

曰若稽古 臯陶曰鄭以臯陶下屬為句

惇敘九族庶民明勵翼邇可遠在茲

庶衆也勵作也敘次序也序九族而親之以衆賢

明作羽一作輔翼之臣也三國志註三十一文選尚書

正義此政由近可以及遠也同上

鄭氏古文尚書

卷二



按史記集解引云次序九族而親之以衆明作  
羽翼之臣此政由近可以及遠也書正義引云  
勵作也以衆賢明作輔翼之臣又以衆下裴註  
無賢字又羽翼之臣下原本無也字今據裴註

增

何憂乎驩兜何遷乎有苗何畏乎巧言令色孔壬

禹為父隱故言不及鯀

史記註

亦行有九德亦言其人有德

凡人之性有異有其上者不必有下有其下者不  
必有上上下下相揚乃成其德

尚書正義

寬而栗柔而立愿而恭亂而敬擾而毅直而溫簡而  
廉剛而塞彊而義

寬謂度量寬宏柔謂性行柔和擾謂事理擾順三  
者相類即洪範云柔克也愿謂容貌恭正亂謂剛  
柔治理直謂身行正直三者相類即洪範云正直  
也簡謂器量凝簡剛謂事理剛斷強謂性行堅彊  
三者相類即洪範云剛克也而九德之次從寬而  
至剛也惟擾而毅在愿亂之下耳其洪範三德先  
人事而後天地

尚書正義

按三國志黃李呂馬王張傳評注尚書曰擾而



毅鄭元注曰左剛也致果曰毅 又按書正義

此段係孔氏之文因正義上文有鄭連言之四

字王氏因誤采又先八事而後天地句下正義

有與此不同四字謂洪範三德與此九德不同

也王氏疑此係鄭注謂鄭與孔不同因刪四字

而本句文義不可通矣又剛克下原本無也字

今據書正義增

彰厥有常吉哉

人能明其德所行使有常則成善人矣同上

後又在官

才德過千人為俊百人為同上

庶績其凝

凝成也同上

自我五禮有庸哉有庸馬本 作五庸

五禮天子也諸侯也卿大夫也士也庶民也尚書正義

同寅協恭和衷哉

并上之禮共有此事同上

五服五章哉

五服十二也九也七也五也三也周禮小宗伯疏 王制正義

天聰明自我民聰明

鄭氏古文尚書



天之所謂聰明有德者由民也言天所善惡與民

同詩蒸民正義

按原本天之所下脫謂字與民下脫同字俱據詩正義增

思日贊贊襄哉

贊明也襄之言揚暢作言我未有所知思徒贊明

帝德揚我忠言而已謙也尚書正義

下民昏墊

昏沒也墊陷也禹言洪水之時人有沒陷之害同

濬畎澮距川

畎澮田間溝也澮所以通水於川也史記註選長笛賦注

按首六字史記集解引

暨稷播奏庶艱食蠡食艱馬本作根云根生之食謂百穀

禹復與稷教民種澤物菜蔬難厄之食授以水之

衆蠡食謂魚鱉也詩思文正義尚書正義

按難字詩正義作難書正義作艱

烝民乃粒萬邦作乂又五

粒米也又養也衆民乃復粒食萬國作相養之禮

詩思文正義

安汝止



安汝之所止無妄動動則擾民史記註

按原本安字誤定據史記集解改

大其申命用休

天將重命汝以美應謂符瑞也同上

臣哉鄰哉鄰哉臣哉

臣哉汝當為我鄰哉鄰哉汝當為我臣哉反覆言

此欲其志心入禹尚書正義

按書正義有帝曰臣作朕股肱耳目動作視聽

皆由臣也數句原本無今附采

予欲觀古人之象日月星辰山龍草蟲作會一作續註同

宗彝藻火粉米黼黻絺繡絺縠里反

會讀為繪文選景福殿賦注宗彝謂宗廟之鬱鬯樽也故

虞夏以上蓋取虎彝雉彝而已釋文引鄭註云宗彝虎也粉米

白米也絺讀為芻芻絨也凡十二章天子以飾祭

服凡畫者為繪刺者為繡此繡與繪各有六衣用

繪裳用繡至周而變之以三辰為旂旗謂龍為袞

宗彝為毳或損益上下更其等差尚書正義

按凡十二章上書正義引名曰日月至黼黻六

字

以五采章施于五色作服



性曰采施曰色

左傳昭二十五年正義

未用謂之采已用謂

之色

月令正義

作服者此十二章為五服天子備有馬

公自山龍而下侯伯自華蟲而下子男自藻火而

下卿大夫自粉米而下

尚書正義

按月令正義所引二句上有采施曰色四字蓋

即左傳正義所引二句脫去性曰二字耳又此

十二章下原本脫作服者三字今據書正義增

欲聞六律

舉陽陰從可知也

同上

在治習以出納五言

召者臣見君所秉書思對命者也君亦有焉以出

納政教於五官

史記註

應麟按古忽與習通論語仲忽古今人表作者師古曰習

與忽同

按原本五官誤五言今據史記集解改正

欽四鄰

四鄰謂左輔右弼前疑後承

尚書正義

臣作朕股肱耳目

動作視聽皆由臣也

尚書正義

罔晝夜頷頷罔水行舟

丹朱見洪水時人乘舟今水已治猶居舟中頷頷



使人推行之尚書正義

朋淫于家

朋淫淫門內史記註

娶于塗山辛壬癸甲

登用之年始娶于塗山氏三宿而為帝所命治水

尚書正義

予弗子子將吏反釋文

惟荒度土功弼成五服至于五千州有十二師外薄

四海

荒奄也奄大九州四海之土敷土既畢廣輔五服

而成之至于面方各五千里四面相距為方萬里

師長也九州州立十二人為諸侯師以佐其牧外

則五國立長使各守其職堯初制五服服各五百

里要服之內方四千里曰九州其外荒服曰四海

此禹所受地記書曰崑崙山東南地方五千里名

曰神州者禹弼五服之殘數亦每服者今五百里

故有萬里之界萬國之封焉猶用要服之內為九

州州更方七千里七七四十九得五千里者四十

九其一以為圻內餘四十八州分而各有六春

秋傳曰禹朝羣臣於會稽執玉帛者萬國言執玉



帛者則九州之內諸侯也其制特置牧以諸侯賢者為之師蓋百國一師州十有二師則州千二百國也八州凡九千六百國其餘四百國在圻內與王制之法準之八州通率封公侯百里之國一伯七十里之國二子男五十里之國四方百里者三封國七十有畸至於圻內則子男也

王制正義左傳哀七年詩齊風

也 王制正義左傳哀七年詩齊風

按輔五服而成之句下當如詩殷武正義及書正義所引接下至于面方各五千里句為是中間一段據詩齊風譜正義引此作禹貢注惟王

制正義引咎繇謨注有去王城五百里一段然其文與此小異亦不在輔五服而成之句下蓋別為一節也 又按封國七十有畸此承書正義之文考王制正義引此注無十字孔氏解云所以百里三封國七者以百里之方一為公侯之國一又以百里之方一為伯七十里之國二又以百里之方一為子男五十里之國四是百里之方三封國七也據此則此十字系衍文宜

州

帝曰迪朕德時乃功惟敘臯陶方祗厥敘方施象刑



惟明

歸美于二臣尚書正義

夔曰夔擊鳴球搏拊琴瑟以詠

夔擊也夔擊鳴球已下數器鳴球即玉磬也磬懸也而以合堂上之樂玉磬和尊之也搏拊以韋為之裝之以糠形如小鼓所以節樂以詠謂歌詩也

周禮大司樂疏尚書正義

按周禮大司樂引云夔擊也夔擊鳴球已下數器鳴球即玉磬也搏拊以韋為之裝之以糠所以節樂以詠謂歌詩也書正義引云磬懸也而

以合堂上之樂玉磬和尊之也又云其即櫛也

漢禮器制度及白虎通馬融鄭元李巡其說皆以為然也又云鄭以夔擊鳴球三者皆總下樂

櫛擊此四器也又按周禮疏糠作糠

祖考來格馬氏言此是舜祭宗廟之樂尚書正義

祖考之神來至也大司樂

虞賓在位

舜以為賓即二王後丹朱也同上

羣后德讓

諸侯助祭者以德讓已上皆宗廟堂上之樂所感



也  
同上

下管鼗鼓合止祝啟

舜廟堂下之樂故言下合樂用祝祝狀如漆篥中  
有椎合之者投椎於其中而撞之一云搖之啟狀

如伏虎背上刻之一云背有刻所以鼓之

所以止樂一云所以止鼓謂之  
止詩有磬正義大司樂疏

按詩有磬正義引云祝狀如漆篥中有椎合之  
者投椎於其中而撞之啟狀如伏虎背上刻之  
所以止鼓謂之止周禮大司樂疏引云舜廟堂  
下之樂故言下合樂用祝祝狀如漆篥中有椎

搖之所以節樂故狀如虎背有刻以物標之所  
以止樂又原本作漆筒據詩正義改篥

笙鏞以間

東方之樂謂之笙笙生也東方生長之方故名樂  
為笙也西方之樂謂之鏞庸功也西方物熟有成  
功亦謂之頌頌亦是頌其成以間者堂上堂下間

代而作大司樂疏

鳥獸滄滄

飛鳥走獸滄滄然而舞也同上

簫韶九成鳳凰來儀



簫韶舜所制樂也樂備作謂之成成猶終也每曲一終必變更奏若樂九變人鬼可得而禮故致得來儀儀匹止巢而孕乘匹同上

按成猶終也三句周禮疏無而見書正義又大司樂疏儀匹下有謂致得雄曰鳳雌曰鳳來儀十一字按大司樂疏引云韶舜樂也若樂九變人鬼可得而禮故致得來儀儀匹謂致得雄曰鳳雌曰鳳來儀止巢而乘匹又云尚書簫韶九成鳳凰來儀鄭以儀為匹謂止巢而孕乘匹書正義引云成猶終也每曲一終必變更奏又公

羊哀十四年傳疏舜所制樂下無也字又公羊疏謂之成下作簫韶九備而鳳凰乃來儀止巢乘匹

予擊石拊石百獸率舞

按大司樂疏引此節注云夔語舜云磬有大小予擊大石磬拊小石磬則感百獸相率而舞

石磬也百獸服不氏所養者謂音聲之道與政通

焉公羊疏哀十四年

庶尹允諧

庶衆也尹正也允信也言樂之所感使衆正之官



信得其諧和大司樂疏

帝庸作歌

鄭以為戒臣尚書正義

臯陶拜手稽首揚言曰念哉

使羣臣念帝之戒史記註

乃賡載歌

載始也同上

按此二節並采書正義非史記註所引也注云

同上者誤

元首叢脞哉

叢脞總聚小小之事以亂大政同上

終

鄭氏古文尚書証訛卷三

宋 王應麟撰集

羅江

李調元

贊撰按

鄭氏註

虞夏書

禹貢第三

禹敷土

敷布也布治九州之水土

周禮大司樂疏

隨山刊木

必隨州中之山而登之除木為道以望觀所當治

者則規其形而度其功焉

尚書正義



冀州既載

按公羊疏引云載之言事事謂作徒役也兩河間曰冀州不書其界者時帝都之使若廣大然書正義引云載之言事事謂作徒役也禹知所當治水又知用徒之數則書於策以告帝徵役而治之

兩河間曰冀州不書其界者時帝都之使若廣大然載之言事事謂作徒役也禹知所當治水又知用徒之數則書之於策以告帝徵役而治之

尚書正義  
公羊疏

史記註

按此節當以公羊疏所引載之言事以下三十  
字列於前而以書工止義所引禹知以下云云列  
於後又兩河間句見史記集解又原本謂作徒  
役也下有兩河間曰冀州以下八字今據書正  
義刪之又書之於策句書正義無之字

壺口治梁及岐

按於此言治梁及岐者蓋治水從下起以襄水  
害易也書正義禹貢八說斷

地理志壺口山在河東北屈縣之東南梁山在馮  
翊夏陽岐山在右扶風美陽西北梁山西南

史記註



周南召南諸正義 縣正義

按史記集解壺口下無山字及縣之東南四字  
梁山在下有左字無西北以下六字

既修太原至于岳陽覃懷底績至于衡漳

岳陽縣太岳

一作原

之南於地理志太原今以為郡

名太岳在河東故縣羸東名霍太山

周禮職方氏疏 唐風譜

正義覃懷為縣名屬河內漳水出上黨沽大黽谷東

北至安平阜城入河

職方氏疏

衡漳漳水橫流入河

職方氏疏

詩柄月正義 尚書正義

按職方疏引鄭注云岳陽太原之南漳水橫流

入河地理志太原今為郡名太岳在河東縣羸

東名霍太山覃懷為縣名屬河內漳水出上黨

沽大黽谷東北至安平阜城入河行千六百八

十里始是按此六十八字當是鄭注全文若書

正義引云橫漳漳水橫流詩邶鄘譜正義引

云衡漳者漳水橫流地理志云漳水在上黨沽

縣大黽谷東北至安平阜城入河唐風譜正義

引云岳陽縣太岳之南於地理志太原今以為

郡名太岳在河東故縣羸東名霍太山此皆据

撫字句非全文也然唐風譜正義所引又可補



職方疏所引缺字又按史記集解作懷縣屬河  
內又河內下原本脫漳字上黨下脫沽字俱據  
職方疏補入

厥賦惟上上錯

此州入穀不貢賦之差一井上上出九夫稅上中  
出八夫稅上下出七夫稅中上出六夫稅中中出  
五夫稅中下出四夫稅下上出三夫稅下中出二  
夫稅下下出一夫稅通率九州一井稅五夫

周禮小司徒疏詩甫田正義書下義

按禹貢指南止此句

厥田惟中中

地當陰陽之中能吐生萬物者曰土據人功作力  
競得而田之則為之田田著高下之等者當為水  
害備也餘州先田後賦此州先賦後田亦如境界  
殊於餘州也尚書正義

恒衛既從

地理志恒水出恒山衛水在靈壽大陸澤在鉅鹿

史記

島夷皮服

島夷東方之民搏一作賦

食鳥獸者史記註尚書正義



按史記集解作東北作賦食

夾右碣石入于河

戰國策碣石在九門縣今屬常山郡禹由碣石小西北行盡冀州之境還從山東南行入河治水既畢更復行之觀地肥瘠定貢賦上下尚書正義

濟河惟沈州

言沈州之界在此兩水之間

史記許公羊疏

按言字據史記集解增此係集解所引全文在此兩水之間與公羊疏作在此兩河間文小異

九河既道

河水自上至此流盛而地平無岸故能分為九以衰其勢壅塞故通利之也九河之名徒駭太史馬頰覆釜胡蘓簡潔鈎盤禹津周時齊桓公塞之同為一河今河間弓高以東至平原禹津一作盤往往

有其遺處焉

孔氏尚書正義云春秋緝寶乾圖云移河為界在齊呂填開八流以自廣

鄭據此文詩殷正義尚書正義

雷夏既澤雍沮會同

雍水沮水相觸而合入此澤中地理志曰雷澤在濟陰城陽縣西北史記

按原本曰訛云又脫縣西北三字今據史記集



解增改王震澤本亦無縣西北三字

桑土既蠶是降邱宅土

其地尤宜蠶桑因以名之今濮水之上有桑間者

柏舟正義

此州寡於山而夾川兩大流之間遭洪水其民尤困水害既除於是下邱居士以其免於厄尤

喜故記之

尚書正義

厥賦貞作十有三載乃同

釋文

貞正也治此州正作不休十三年乃有賦與八州

同言功難也其賦中下

史記註

厥貢漆絲厥篚織文

貢者百功之府受而藏之其實於篚者入於女功

故以貢篚別之允征云厥篚元黃昭我周王

尚書正義

按鄭引嗣征語見堯典正義又貢篚別之以下

見黃仲元六經四書講義卷四又厥篚詩鹿鳴

正義引作篚厥

浮于濟潔達于河

地理志云潔水出東郡東武陽

史記註

按原本無云字今據史記集解增

海岱惟青州

今青州界東自海西至岱東嶽曰岱山

詩齊風正義



註記

按史記集解無上四字公羊疏無東西二字

馮夷

索隱曰按今文尚書作禹  
鑊在遠西缺古夷字也

既畧維淄其道

按原本鑊訛鐵據索隱改

地理志維水出琅琊淄水出泰山萊蕪縣原山

史記

註齊風譜正義引  
鄭注云維淄兩水名

按詩正義引此注維淄兩水名地理志云維水

出今琅琊箕屋山淄水出泰山萊蕪縣原山按

此二十八字蓋鄭注全文王氏兩引之若分異

同何也

海濱廣斥

斥謂地鹹鹵

釋文  
史記註

海物惟錯

海物海魚也魚種類尤雜

史記註

浮于汶達于濟

地理志汶水出泰山萊蕪縣原山西南入濟

同上

海岱及淮惟徐州

徐州界又南至淮水

淮沂其又蒙羽其藝

淮沂二水名

周禮職方氏疏

地理志沂水出今泰山蓋縣



蒙羽二山名史記註

按史記集解無今字

大野既豬東原底平

按史記豬作都集解引孔安國曰水所停曰都據此則今本經傳皆作豬乃後人所改也

大野在山陽鉅野北名鉅野澤東原地名今東平

郡即東原史記註

厥土赤噉墳

按釋文曰鄭作噉徐皆讀曰噉

噉黏土也周禮考工記疏

厥貢惟土五色

土五色者所以為大社之封史記註

按原本脫上土字據史記集解增

羽剛夏翟

羽山之谷詩鄭南正義

嶧陽孤桐

地理志嶧山在下邳史記註

泗濱浮磬淮夷蠙珠暨魚

泗水出濟陰乘氏也濱水涯中中見石可以為磬淮夷淮水之上夷民也獻此珠與魚也  
史記註向書正義



文釋

按史記註引云泗水出濟陰乘氏也淮夷淮水之上民也書正義引云淮水之上夷民獻比珠與魚也釋文引云淮水之夷民也 又按首句下十一字不見史記注及書正義恐係孔傳

厥篚元織縞

織細也祭服之材尚細史記註

淮海惟揚州

揚州界自淮而南至海以東也公羊疏

彭蠡既豬

按史記索隱引鄭云南方謂都為豬

地理志彭蠡澤在豫章彭澤西史記註

按原本彭蠡下脫澤字彭澤下多縣字俱據史

記集解刪補

陽鳥攸居

陽鳥鴻雁之屬隨陽氣南北詩苑有苦葉正義

三江既入震澤底定

三江分於彭蠡為三孔東入海尚書正義

厥貢惟金三品

三品銅三色也詩泮水正義 史記註 尚書正義

鄭氏古文尚書卷三



按史記集解引作金三色也書正義及詩泮水正義皆三品者銅三色也

瑶琨蓀簞

琨馬本作瑣釋文

魯夷卉服

此州下濕故衣草服貢其服者以給天子之官尚書

三義

厥篚織貝

貝錦名也詩云萋兮斐兮成是貝錦凡為織者先

染其絲乃織之則文成矣

史記註尚書正義

按書正義引鄭注則文成矣句下多禮記曰士

不衣織七字又按史記集解所引無萋兮斐兮四字其下文又小異此專采書正義文也

錫貢

有錫則貢之或時乏則不貢錫所以祭金也史記註

均于江海達于淮泗

釋文云鄭本作松當為沿馬本作均云均平案此則均當

作松也

均讀曰沿沿順水行也史記註

荆及衡陽為荆州

荆州界自荆山南至衡山之南公羊疏

江漢朝宗於海

鄭氏古文同書卷三



江水漢水其流過狀又合為一共赴海也猶諸侯  
之同心尊天子而朝事之荆楚之域國有道則後  
服國無道則先疆故記其水之義以著人臣之禮

詩汚水正義  
尚書正義

### 九江孔殷

按禹貢指南九江乃廬江尋陽山溪九小水入  
江者

殷猶多也九江從山谿所出其孔衆多言治之難  
也地理志九江在今廬江潯陽縣南皆東合為大

江史記註  
尚書正義

按史記集解無今廬江三字及下縣字

### 沱潛既道

按史記集解水出江為沱漢為潛

水自江出為沱漢別為潛一作沱今南郡枝江縣有

沱水其尾入江耳首不於江出也華容有夏水首

出江尾入沔蓋此所謂沱也潛則未聞象類三國志前

四十七卷  
經註二十九卷

杅一作樛幹栝栢礪砥砮丹惟箇籥楛三邦底貢

按考工疏引此經注皆作樛

杅幹栝栢四木名幹栝栢葉松身曰栝礪磨刀



刃石也精者曰砥筩籥聆風楛木類周之始肅慎  
氏貢茲楛矢石弩此州中生聆風與楛者衆多三  
國致之周禮考工記疏詩竹竿正義尚書正義

按原本籥說竹據史記集解所引改正木訛本  
據考工記改正又集解云筩籥聆風也

厥名包匭菁茅鄭以厥名下屬尚書正義

匭纏結也菁茅茅有毛刺者給宗廟縮酒重之故  
包裹又纏結也史記註釋文

按原本故下有既字裏下有而字俱據史記集  
解刪

### 荆河惟豫州

豫州界自荆山而北至於河詩王風譜正義公羊疏

榮播馬本玉本既都

按都音豬羣經音辨

沈水溢出河一作所為澤衛狄戰在此地今塞為平

地榮陽民猶謂其處為榮播一作澤在其縣東一云在汴

縣東詩定之方中正義檜譜正義史記索隱尚書正義

按史記索隱止載今塞為平地十五字民作人  
又定之方中正義引云沈水溢出河為澤今塞  
為平地榮陽民猶謂其處為榮澤在其縣東春



秋魯閔公二年衛侯及狄人戰於榮澤是也書正義引云今塞為平地榮陽民猶謂其處為榮澤在其縣東又引云衛狄戰在此地又駁云馬鄭王本皆作播謂此澤名榮播春秋閔二年衛侯及狄人戰於榮澤不名播也

華陽黑水惟梁州

梁州界自華山之南至於黑水也公羊疏

岷嶓既執

地理志岷山在蜀郡湔氐道嶓冢山在漢陽西史記

註

按原本脫山字又湔訛前據史記集解增改

沱潛既道川

二水亦謂自江漢出者地理志在今蜀郡郫縣江沱及漢中安陽皆有沱水潛水其尾入江漢耳首不於此出江源有郫江首出江南至犍為武陽又入江豈沱之類與潛蓋漢西出嶓冢東南至巴郡江州入江行二千七百六十里尚書正義蔡蒙旅平和夷底績

按禹貢指南蔡山在漢嘉

地理志蔡蒙在漢嘉縣和上夷所居之地也和讀



曰桓地理志曰桓水出蜀郡蜀山西南行羌中者

也 史記註 水經注 三十六應麟案如淳漢書注曰陳宋之俗言桓聲如和故桓表或謂之和

表東京賦云敘和樹表是桓與和通

按原本羌中下脫者也二字據水經注增又按

史記註止前九字下皆水經注引又按此条小

註語與九經古義同路史徒紀十一亦可引証

終南惇物

地理志終南惇物皆在右扶風武功也史記註

原隰底績至于豬野

詩云度其隰原地理志豬野在武威名曰休屠澤

史記註 尚書正義

按史記無詩云六字豬作都

三危既宅

按黑水三危二條位置未安

河圖及地記書云一作地說三危山在鳥鼠之西南與

岐山相連一云在鳥鼠之西南當岷山則在積石之西南史記索隱尚書正義

按史記索隱引云河圖及地說云三危山在鳥

鼠西南與岐山相連書正義引云地記書云三

危之山在鳥鼠之西南當岷山則在積石之西

南按二書所引文小異又按古文苑楊雄益州



物箴注鄭元引地記書云三危山在鳥鼠之西

南當岷山西南當岷山西南當岷山西

厥貢惟球琳琅玕

球美玉也琳美石也琅玕珠也

詩韓奕正義

織皮昆侖析支渠搜西戎即敘

衣皮之人居此昆侖析支渠搜三山之野者皆在

西戎也

書正義史記索隱

按書正義作皆西戎也史記索隱作皆在四夷

無此字及之野者三字并下也字

導沂及岐

地理志沂在右扶風也

史記注

導沂為正陰列西傾

為次陰列潘冢為次陽列岷山為正陽列是為四

列凡言導者發源於上未成流凡言自者亦發於

上未成流自此以下言過言會者皆是水名言至

于者或山或澤皆非水名

史記索隱尚書正義

按原本扶風下脫也字據集解增導沂為下脫

正字據指南增又按潘冢為次陽列岷山為王

陽列此據書正義所引也史記索隱引作沂為

陰列西傾次陰列岷冢為陽列岷山次陽列與

此異是為四列四字王氏揣摩二書得之也又



按指南沂作岍岷山作岍山

西傾朱圉鳥鼠至于太華熊耳外方桐栢至于陪尾

地理志云朱圉在漢陽南太華山在宏農華陰南

地理志云熊耳在盧氏東外方在潁川嵩高山桐

栢山在南陽平氏東南陪尾在江夏安陸東北若

橫尾者史記註

按原本地理志云句訛在南字下據史記集解

并脫云字多縣字亦據史記增刪熊耳以下本

另為一節王氏因欲連上節故刪地理志三字

今據史記仍增補之又據漢書地理志引禹貢

作朱圉山在漢陽冀縣南而地理志天水都冀

縣下云禹貢朱圉山在縣南梧中聚師古曰圉

讀與圉同似漢陽二字

導嶠冢至于荆山

地理志荆山在南郡臨沮史記註

按原本作臨江據史記集解改

內方至于大別

地理志內方在竟陵名陵元章山大別在廬江安

豐縣史記註尚書正義

按史記集解元章作名章山



導弱水至于合黎

地理志弱水出張掖地說云合黎山在酒泉會水

縣東北史記

按上八字史記集解引鄭注原文下十四字王

氏揣摩索隱得之也

餘波入于流沙

地理志流沙居延西北名居延澤地記曰弱水西

流入合黎山腹餘波入于流沙通于南海史記

按原本脫名字據史記集解增

導黑水至于三危

地理志益州滇池有黑水祠而不記此山水所

今中國無也地說一作曰三危山在烏鼠之西

南當岷山又在積石之西南當黑山祠黑水出其

南脇通典百七十四 史記索隱 尚書正義

按原本不說在又脫水字山字並據史記集解

增改按此節注史記集解引云地理志益州滇

池有黑水祠而不記此山水所在地記曰三危

山在烏鼠之西南索隱引云地說云三危山黑

水出其南書正義引云今中國無也

東至于砥柱

鄭氏古文尚書卷三



案地說河水東流貫砥柱觸闕流今世所謂砥柱者蓋乃闕流也砥柱當在西河未詳也水經注卷四

東過洛汭至于大伾

山一成為伾在修武武德之界地喉也沈一作出

伾際矣

水經注五卷 漢書溝洫志注 尚書正義

按漢書無之字正義有禹貢指南沈仍作沈無下矣字武德之界以下係水經注引又按書正義有上二句其為康成書註無疑矣若溝洫志註有山一成為伾句則連下句亦鄭德漢書注矣不然康成有此文鄭孔得不引乎又朱謀燾

校水經注本沈出作流出注云宋本作沈

北過降水至於大陸

降讀當如郟降於齊師之降戶江反聲轉為共河內

共縣淇水出焉東至魏郡黎陽縣入河北近降水

也周時國於此者惡言降水改謂之共地說云大

河東北流過降水千里至大陸為地腹水經注尚書正義

按原本淇水出下脫焉字據書正義及水經注

增史記集解引云降水在信都而又按水經注

引鄭注地說云大河東北流過絳水千里至大

陸為地腹如志之言大陸在鉅鹿地理志曰水



在安平信都鉅鹿與信都相去不容此數也水土之名變易世失其處見降水則以為絳水故依而廢讀或作絳字非也今河北共山淇水共水出焉東至魏郡黎陽入河近所謂降水也降讀當如邴降于齊師之降蓋周時國於地者惡言降故改謂之共耳又今河所從去大陸遠矣館陶北屯氏河其故道與 按此一百五十五字蓋引鄭注全文故下稱余按鄭元據尚書云云乃酈氏駁鄭語也王氏所采不免倒置上下矣

又北播為九河同為逆河入于海

播散也同合也下尾合曰逆河

一作同

言相承

一作迎

受也

詩殷正義

水經注五卷

按禹貢指南及水經注引皆云下尾合曰逆河

言相承受也書正義引云下尾合名為逆河言

相向迎受也記集解引云下尾合名曰逆河言

相逆受也

嶧冢導濊東流為漢又東為滄浪之水

地理志濊水出隴西氏道至武都為漢至江夏謂

之夏水一云今謂之夏水即漢河之別流也

史記註



按此節係集解引鄭注全文水經注引云今謂之夏水來同故世變名焉索隱云馬融鄭元皆以滄浪為夏水即漢河之別流也詳畧互異又原本氏下晚道字據史記集解增

過三澁至于大別

三澁水石史記索隱

在江夏竟陵之界

史記註

東滙澤為彭蠡

滙回也

水經注二十八

按水經註此句下有漢與江門轉東成其澤矣

九字疑亦係鄭註

又東至于澧

按禹貢指南澧陵名即今長沙澧陵

醴陵名也大阜曰陵今長沙郡有醴陵縣

史記註

按集解無今郡二字

東迤北會于滙

東迤者為南江

尚書正義

導沈水東流為濟入于河溢為滎

地理志沈水出河東東垣王屋山東至河內武德

入河決為滎

史記註



按東垣殿本史記集解引作垣縣

東出于陶邱北

地理志陶邱在濟陰定陶縣西北同上

東按集解無縣字

導渭自鳥鼠同穴

鳥鼠之山有鳥焉與鼠飛行而處之又有止而同

穴之山焉水經注四十

按原本而處下脫之字之山下脫焉字俱據水

經註增又多地說曰鳥鼠山同穴之枝幹也十

二字據水經注自引他說並不言鄭注此條誤

采故刪之

庶土交正底慎財賦

衆土美惡及高下得其正矣亦致其貢篚慎奉其

財物之稅皆法定制而入之也史記註

咸則三壤成賦

三壤上中下各三等也同上

中邦一作國錫土姓祇台德先不距朕行

中即九州也天子建其國諸侯祚之土錫之姓命

之氏其敬悅天子之德既先又不距違我天子政

教所行史記註



五百里甸服百里賦納總二百里納程三百里納秸服四百里粟五百里米

甸服者堯制賦其田使入穀禹弼其外百里者賦

入總謂所一作刈禾也二百里程程斷去藁也

謂刈三百里秸秸謂禾去其實唯藁秸也一云

穗也也四百里入粟五百里入米者遠彌輕也甸服之

制本自納總禹為之差使百里者從之耳詩甫田正義

禮器正義

按原本程訛秸使百里下又脫者字俱據詩正

義增改又詩小雅正義引云甸服者堯制賦其

田使入穀禹弼其外百里者賦入總謂入刈禾

也二百里程程斷去藁也三百里秸秸又云

也四百里入粟五百里入米者遠彌輕也甸服

之制本自納總禹為之差使百里者從之耳又

禮器正義引禹貢五百里甸服百里賦納總謂

所刈禾也二百里納程謂刈禾穗也三百里納

秸服謂禾去其實唯藁秸也四百里粟五百里

米不言鄭註王氏以意揣度之耳

二百里蔡

蔡之言殺滅殺其賦尚書正義



三百里蠻

蠻者聽從其俗羈縻其人耳故云蠻蠻之言緝也

同上

朔南暨

朔北方也南北不言所至容踰之

史記註尚書正義

按史記集解引鄭曰朔北方無也字南北以下九書正義所引也又王刻史記亦有也字

甘誓第四

大戰于甘

天子之兵故曰大

尚書正義

乃名六卿

六卿者六軍之將周禮六軍皆命卿則三代同矣

詩棧樸正義曲禮正義下

按原本作命服據曲禮正義改

嗟六事之人

變六卿言六事之人者言軍吏下及士卒也

尚書正義

按原本下者字作事字據書正義改

有扈氏

孔馬鄭王等皆言有扈氏與夏同姓尚書正義

威侮五行怠棄三正

五行四時盛德所行之政也威侮暴逆之三正天



地人之正道史記註

左不共于左

左車左史記註 孔同

右不共于右

右車右同

鄭氏古文尚書証訛卷三

鄭氏古文尚書証訛卷四

宋 王應麟撰注 羅江 李調元贊撰按

鄭氏註

尚書

湯誓第五

有衆率怠弗協曰時日曷喪予及汝皆亡

桀見民欲叛乃自比于日曰是日何嘗喪乎日若

喪亡我與汝亦皆喪亡引不亡之徵以脅恐下民

也尚書 正義

予其大賚汝

鄭氏古文尚書卷四



齊賜也同上

按書正義無此文當是史記註同上二字誤

予則孥戮汝

大罪不止其身又孥戮其子孫同上周禮云其奴男

子入于罪隸女子入於春槩

按二語亦見尚書正義宜增同上二字

盤庚第六上

鄭以上篇是盤庚為臣時事尚書正義

于今五邦

馬云五邦謂商丘亳豳邶耿也鄭王同尚書正義

曰無或敢伏小人之攸箴

奢侈之俗小民咸苦之欲言于王今將屬民而詢

焉故勅以無伏之

尚書正義

今汝聒聒

聒讀如聒耳之聒聒聒難告之貌

同上

不昏作勞

昏讀昏昏勉也

三國志註一尚書正義

遲任有言曰

遲任古之賢史

尚書正義

茲予大亨于先王

大亨謂蒸嘗也

周禮小司馬疏

按小司馬宜改司勳因彼卷首小司馬職故誤



署

予告汝於難若射之有志

我告汝於我心至難矣夫射者張弓屬矢而志在所射必中然後發之為政之道亦如是也以已心度之可施於彼然後出之

尚書正義

汝無侮老成人無弱孤有幼

老弱皆輕忽之意也

同上

盤庚第六中

盤庚作惟涉河以民遷

作渡河之具

尚書正義

誕告用亶其有衆

亶馬本作單音丁但反誠也釋文

今予告汝不易

我所以告汝者不變易言必行之

尚書正義

盤庚第六下

盤庚既遷奠厥攸居乃正厥位

徙主於民故先定其宅里所處次乃正宗廟朝廷

之位

尚書正義

綏爰有衆

爰於也安穩於其衆也

三國志注一卷

懋建大命



勉立我大命使心識教令常行之同

鞠人謀人之保居敘欽

鞠養也能謀養人安其居者我則次序而敬之尚書

正義

高宗彤日第七

祖已曰

謂其黨尚書

降年有永有不永非天天民民中絕命

年命者蠢愚之人尤愒焉故引以諫王也同上

西伯戡黎第八

西伯周文王也時國於岐為雍州之伯南蕪梁荆

在西故曰西伯周南名南譜正義早戡黎入紂

圻內尚書

按詩周南名南譜正義引云文王為雍州之伯

南蕪梁荆在西故曰西伯早麓正義引云文王

為雍州之伯在西故謂之西伯書正義引云西

伯周文王也時國於岐封為雍州伯也國在西

故曰西伯諸本詳畧互見王氏蓋以意定其上

下也

惟王淫戲用自絕故天棄我不有康食不虞天性不

鄭氏古文尚書卷四



迪率典

王暴虐於民使不得安食逆亂陰陽不度天性傲  
狠明德不修教法者史記

按原本作政法據集解改

微子第九

鄭氏以為微箕俱在  
坵內尚書正義

凡有罪辜乃罔恒獲

凡猶皆也獲得也羣臣皆有是罪其爵祿常得之  
者言屢相攻奪微子世家注  
尚書正義

按凡猶皆也係書正義引獲得也以下微子州

家注引

鄭氏古文尚書

卷五

宋王應麟撰集

羅江

李調元

贊撰按

鄭氏註

周書

太誓第十

惟四月

史記云九年

太子發上祭于畢下至于孟津之上

一云東觀兵  
至于孟津

按史記周本紀云九年武王上祭于畢東觀兵  
至于孟津索隱云畢天星之名畢星主兵故師  
出而祭畢星也但不言今文太誓文

鄭氏古文尚書

卷五



孟津地名

詩思文正義周本紀尚書正義

乃告司徒司馬司空諸節齋栗信哉

馬融曰諸受符節有司也周

本紀

子無知以先祖有德臣子小子受先公功畢立

賞罰以定厥功遂興師師尚父左杖黃鉞右把白旄

以號

一作誓

曰蒼兕蒼兕

馬融曰蒼兕主舟楫官名

總爾眾庶與爾

舟楫後至者斬

齊世家註文上下並今文大誓

索隱曰此

按原本杖訛杖據周禮伊耆氏疏改又周本紀作乃告司徒司馬司空以下文與此同無蒼兕

蒼兕四字

師尚父文王於磻溪所得聖人呂尚立以為太師

號曰尚父尊之號令之軍法重者

齊世家注本紀注周禮

伊耆氏疏詩大明正義

太子發升舟中流白魚入于王舟王跪取溪以燎之羣公咸曰休哉

按原本無之字據詩正義增

白魚入舟天之瑞也魚無手足象紂無助白者殷

正也天意若曰以殷予武王當待無助今尚仁人

在位未可伐也得白魚之瑞即變稱王應天命定

號也溪涯也王出於岸上燔魚以祭也變禮也

文正義注後漢書杜篤傳



按詩正義無也字又即訛師據詩正義改

至于五日有火自上復于下至于王屋流之為鵬其

色赤其聲魄董仲舒對策引書又云周公曰復哉復哉五至以穀俱來

五日燎後日數王屋於在之舍上流猶變也鵬當

為鴉鴉烏也燎後五日而有火為烏天報武王以

此瑞書說曰烏有孝名武王卒父大業故烏瑞臻

赤周之正穀記后稷之德又禮說曰武王赤烏穀

芒應周尚赤用兵王命曰為牟天意若曰須假紂

五年乃可誅之武王即位此時已三年穀蓋牟麥

也詩曰貽我來牟詩思文正義序正義文王

按原本二行脫王字又用訛周俱據詩正義增

改

使上附以周公書報誥於王王動色變周禮大

十一年十二月戊午師畢度孟津八百諸侯不召自

來不期同時不謀同辭皆曰帝受可伐矣王曰爾未

知天意未可也乃還師師乃鼓篋譟師乃指前歌後

舞格于上天下地咸曰孜孜無怠周公曰都懋哉予

聞古先哲王之格言周禮大

按無怠以下十五字周禮疏所引又按周本紀

云十一年十二月戊午師畢度孟津諸侯咸會



曰尊尊無怠又二時諸侯不期而會孟津者  
 八百諸侯諸侯皆曰紂可伐矣武王曰女未知  
 天命未也乃還師詩大明正義引太誓曰師乃  
 鼓譟前歌後舞格于上下地咸曰孜孜無怠  
 天將有立父母民之有政有居詩鴻鴈箋  
 按詩正月正義云尚書曰天將有立民父母謂  
 天子作民父母民窮則宜告之人也又鴻雁正  
 義云書曰天將有立父母民之有政有居今太  
 誓文言天將有立聖德者為天下父母民之得  
 有善政有安居被武王將欲伐紂民喜其將有

安居是民之所欲安居為重也

正稽古立功立事可以永年漢書郊祀志平當傳

按郊祀志丞弼衡御史大夫譚奏議引太誓曰

正稽古立功立事可以永年

曰今文太誓周書也

丕大一作奉也律法也後漢書班固傳註申屠剛傳註

太子發拜手稽首周禮大祝疏

司馬在前王肅曰司馬太公也詩大明正義

乃用其婦人之言四方之逋逃多罪是信是使漢書五行

志優取與賢同揚歷



按漢書五行志成帝永始二年夜過中星隕如雨石谷永引書曰乃用其婦人之言四方之逋逃多罪是信是使師古曰司書泰誓也言紂惑於妲己而妮近之逃罪入信用之

附下而罔上者死附上而罔下者刑與聞國政而無益於民者退在上位而不能進賢者逐說苑二

牧誓

時甲子昧爽

詩云肆伐大商會朝清明

詩大明正義

王朝至于商郊牧野乃誓

郊外曰野將戰于郊故至牧野而誓尚書正義

千夫長百夫長

師帥旅帥也同上

昏棄厥肆祀弗答

肆祀祭名荅問也詩雖正義史記註

昏棄厥遺王父母弟不迪

王父母弟祖父母之族必言母弟舉親者言之也

周本紀注誓首言此者神怒民怨紂所以亡也尚書正義

今日之事不愆于六步七步乃止齊馬不愆于四伐

五伐六伐七伐乃止齊馬

鄭氏古文尚書

卷五

五



伐謂擊刺也孔同一云一始前既敵六步七步當

止齊正行列及兵相接少者四伐多者五伐又當

止齊正行列也曲禮正義

按既字今本曲禮正義同傳抄宋本禮記正義

作就敵

尚桓桓

威武貌史記註

如虎如貔如熊如羆

其威當如獸之將攫待也曲禮正義

弗禦馬同克奔以役西土

禦彊禦謂強暴也克殺也不得暴殺紂師之犇奔者當以為周之役也史記註







次三曰農用八政

農讀為醲尚書正義

一五行一曰水二曰火三曰木四曰金五曰土

此數本諸陰陽所生之次也

微子世家注

二五事一曰貌二曰言三曰視四曰聽五曰思

此數本諸陰陽昭明人相見之次也五行傳曰貌

屬木言屬金視屬火聽屬水思屬土

貌曰恭言曰從視曰明聽曰聰思曰睿

睿通於政事 詩凱風正義 此恭明聰睿行之於我身其

從則是彼人從我以與上下違者我是而彼從

我所為不乖刺也

尚書正義

恭作肅從作又明作哲

哲讀為慙

君貌恭則臣禮肅也君言從則臣職治也君視明

則臣照慙也君聽聰則臣進謀也君思睿則臣賢

智也

詩小旻正義尚書正義

按小旻正義及書正義所引此段上有政所致

句當如小旻正義增皆謂政所致五字又君思

睿則臣賢智凱風正義引之云

三八政一曰食二曰貨三曰祀四曰司空五曰司徒

六曰司寇七曰賓八曰師



此數本諸其職先後之宜也食謂掌民食之官若  
后稷者也貨掌金帛之官若周禮司貨賄是也祀  
掌祭祀之官若宗伯者也司空掌居民之官司徒  
掌教民之官也司寇掌詰盜賊之官賓掌諸侯朝  
覲之官周禮大行人是也師掌軍旅之官若司馬  
也尚書正義  
史記註

四五紀四曰星辰按原本末無也字據書正義增

四星五星也史記註

錫女保極

又錫汝以守中之道同上

于其無好德女雖錫之福其作女用咎

按史記微子世家注于其無好下無德字

無好於女家之人雖錫之以爵祿其動作為女用

惡謂為天子結怨於民同上

無偏無黨

黨朋黨同上

會其有極

謂君也當會聚有中之人以為臣也同上

歸其有極

鄭氏古文尚書

卷六



謂臣也當就有中之君而事之同上

六三德一曰正直二曰剛克三曰柔克

三德人各有一德天子擇使之尚書正義正直中平之

人史記註克能也剛而能柔一云剛能柔克柔而能剛寬猛

相濟以成治立功剛則強柔則弱此陷于滅亡之

道非能也詩羔裘正義史記註

按書正義引云三德人各有一德謂人臣也又

引云人臣各有一德天子擇使之史記微子世

家云一曰正直注引鄭云中平之人又引云克

能也剛而克柔柔而能剛寬猛相濟以成治功

詩鄭風羔裘正義引云正直中平之人克能也

剛能克柔柔能克剛謂寬猛相濟以成治立功

剛則強柔則弱此陷于滅亡之道非能也

平康正直彊弗友剛克變友柔克

安平之國使中平守一之人治之使不失舊職而

已國有不順孝敬之行者則使剛能之人誅治之

其有中和之行者則使柔能之人治之尚書正義

正義

惟辟作福惟辟作威惟辟玉食

此凡君抑臣之言也作福專爵賞也作威專刑罰



也王食備珍美也

史記註  
公羊疏

臣之有作福作威王食其害于而家凶于而國

害于女家福去室凶于女國亂下民

公羊疏

七稽疑擇建立卜筮人

將考疑事選擇可立者立為卜人筮人

尚書正義

乃命卜筮曰雨曰霽曰圉曰蠱曰尅曰貞曰悔凡七

卜五占用二衍忒

一作

按周禮太卜註曰洪範所謂曰雨曰濟曰圉曰

蠱曰尅書正義引鄭注有霽聲近蒙四字爾雅

疏引同

卜五占之用謂雨濟圉蠱

一作霧  
一作霽

尅也二衍忒謂

貞悔也將立卜筮人乃先命名兆卦而分別之兆

卦之名凡七龜用五易用二審此道者乃立之也

雨者兆之體如雨氣然也濟者兆之光明如雨止

雲氣在上者也圉者色澤而光明也蠱者氣不澤

一作鬱鬱冥冥也克者如侵氣之色相犯入也

如雨氣色內卦曰貞貞正也外卦曰悔悔之言晦

晦猶終也卦象多變故言衍忒

史記微子世家注  
周禮太卜疏

尚書正義

按兆之體如雨氣然原本訛據周禮大卜疏改



止訛上據書正義改又書正義引鄭云克者如  
雨氣色相侵入

立時人為卜筮

立是能為分別兆卦之名者以為卜筮人微子世家注

按史記注引無為守

三人占則從二人之吉一作言

卜筮各三人大卜掌三兆三易儀禮士喪禮疏從其多者

著龜之道幽微難明慎之深微子世家注

謀及卿士

卿士六卿掌事者尚書正義

庶民從龜從筮從汝則逆卿士逆吉

此三者皆從多故為吉微子世家注

汝則從龜從筮從卿士逆庶民逆作內吉作外凶

此逆者多以故舉事於境內則吉境外則凶同上

龜筮共違于人用靜吉用作凶

龜筮皆與人謀相違人雖三從不可以舉事同上

八庶徵曰雨曰暘曰燠曰寒曰風

庶衆也徵驗也謂衆行得失之驗禮器正義雨木氣也

春始施生故木氣為雨暘金氣也秋物成而堅故

金氣為暘燠火氣也寒水氣也風土氣也凡氣非



風不行猶金木水火非土不處故知土氣為風  
漸之石正義 尚書正義

按禮器正義引庶衆也云云不明言鄭註蓋王  
氏揣摩之又書正義土氣為風上無知字詩正  
義有

曰狂恒雨若

狂倨慢也恒常也若順也  
尚書正義 公羊 疏 詩正月正義

曰舒  
古文 作豫

按書正義曰鄭王本豫作舒

舒舉遲也  
尚書正義言人君舉事太舒則有常煥之咎

氣來順之  
公羊 疏

曰急

急促自用也  
詩正月正義 尚書正義

曰蒙  
史記蒙作霧 依字當作霧

蒙見冒亂也  
尚書正義

曰王省惟歲卿士惟月師尹惟日歲月日時無易百  
穀用成又用明俊民用章家用平康日月歲時既易  
百穀用不成又用昏不明俊民用微家用不寧

所以成休微咎微言之者休咎五事得失之應其  
所致尚微故大陳君臣之象成皇極之事其道得



則其美應如此其道失則敗德如彼非徒風雨寒  
燠而已上同

星有好風星有好雨

中央土氣為風東方木氣為雨箕屬東方木木尅

土土為妃一作妻尚妃之所好故箕星好風也西方

金氣為陰尅東方木木為妃畢屬西方尚妃之所

好故好雨也尚書正義引鄭註云箕星好風者箕

從妻所好故好風也畢星好雨者畢西方金宿雨

東方木氣金尅木為妻從妻所好故好雨也詩漸

漸之石正義引鄭註云風土也為木妃雨大也為

金妃故星好焉周禮大宗伯疏云土十為木八為

木八為妻推此而往南宮好暘北宮好燠中宮

一作

四季好寒也是由已所克而得其妃從其妃之所

好故也禮記月令正義 尚書正義 周禮大宗伯疏 詩小雅正義

按自中央土氣為風至故好雨也六十字見禮

記月令正義所引鄭註尚書全文詩漸漸之石

正義引云推此而往南宮好暘北宮好燠中宮

四季好寒也是由已所尅而得其妃從其妃之

所好故也大宗伯疏又引云以此推之則北宮

好燠南宮好暘中央四季好寒也皆是所尅所

妻是從妻所好之義也又按書正義引云推此

則南宮好暘北宮好燠中宮四季好寒以各尚



妻之所好故也

月之從星則以風雨

春秋緯云月離于箕則風揚沙不言日者日之從

星不可見故也

尚書正義

九五福

此數本諸其尤者福是人之所欲以尤欲者為先極是人之所惡以尤所不欲者為先以下緣人意

輕重為次耳

同上

一曰壽二曰富三曰康寧四曰攸好德五曰考終命

康寧人平安也攸好德人

一作民

皆好有德也考終

命考成也終性命謂皆生佼好以至老也此五者

皆是善事自天受之故謂之福福者備也

詩既醉正義

按微子世家注引云康寧平安又詩正義引此

注福者備也下有備者大順之總名七字

六極一曰凶短折二曰疾三曰憂四曰貧五曰惡

未亂曰凶未冠曰短未昏曰折

地官司關疏史記註四

六曰弱

愚懦不壯毅曰弱

微子世家注尚書正義

凶短折惡不睿之

罰疾視不明之罰憂言不從之罰貧聽不聰之罰

惡貌不恭之罰弱皇不極之罰

尚書正義







為三壇同墀

時為壇墀於豐壇墀之處猶存焉

尚書正義

按原本時作將據書正義改

植璧秉圭

植古置字

詩那正義尚書正義

史乃冊祝

冊周公所作謂簡書也

三十字一簡之文

祝者讀此簡書

以告三王

儀禮聘禮疏史記註

按原本無謂字據史記注增

惟爾元孫某

謹之者由成王讀之也

尚書正義

是有丕子之責于天

丕讀曰不愛子孫曰子元孫遇疾若汝不救是將有不愛子孫之過為天所責欲使為之請命也

同

按史記魯世家注引鄭云丕讀曰負

無墜天之降寶命我先王亦永有依歸

降下也寶猶神也有所依歸為宗廟之主也

史記註

按史記註神作主

啟籥見書

籥開箴之管也

尚書正義

鄭氏古文尚書

卷七

二



茲依侯能念予一人

茲此也史記註

武王既喪管叔及其羣弟乃流言於國曰公將不利於孺子

管國名叔字周公兄武王弟封於管羣弟蔡叔霍

叔武王崩周公免喪服意欲攝政一云居攝小人不知

天命而非之故流公將不利於孺子之言於京師

孺子謂成王也詩邶鄘衛正義

按詩邶鄘衛譜正義無服意三字攝政作居攝

王氏蓋來詩七月序正義

我之弗辟我無以告我先王辟音避釋文

我今不避孺子而去我先王以謙讓為德我反有

欲位之謗無怨於我先王言愧無辭也居東者出

處東國待罪以須君之察也詩幽風正義

按此見七月序正義

周公居東二年則罪人斯得

罪人周公之屬黨與知居攝者周公出皆奔今二

年盡為成王所得謂之罪人史書成王意也罪其

屬黨言將罪之詩幽風譜正義

于後公乃為詩以怡王名之曰鷓鴣

鄭氏古文尚書

矣

三



於二年後也怡悅也周公傷其屬黨無罪將死恐其刑濫又破其家而不敢正言故作鷓鴣之詩以

怡王今幽風鷓鴣也鷓鴣正義鷓鴣子斥成王同上

王亦未敢誚公

成王非周公意未解詩七月正義

按鷓鴣正義引鄭注云成王非周公意未解今又為罪人言欲讓之推其恩親故未敢王氏失

來今又下十六字

秋大熟

秋謂周公出二年之後明年秋也幽風譜正義

土與大夫盡弁

弁爵弁天子諸侯十二而冠成王此年十五於禮已冠而爵弁者承天變故降服也穀梁文十二年疏尚書正義

以啟金縢之書

開金縢之書者省察變異所由故事也同上

乃問諸史與百執事

問者審問然否也史記註

按審問史記作問審

對曰信噫噫馬本作懿猶釋文

王執書以泣

鄭氏古文尚書

卷七



泣者傷周公忠孝如是而無知之者史記

惟朕小子其新迎新馬本作親釋文

新迎改先時之心更自新以迎周公詩志山正義

王出郊天乃雨反風禾則盡起

易傳曰陽感天不旋日尚書正義

二公命邦人凡大木所偃盡起而築之歲則六熟

築拾也禾為大木所偃者起其木拾下禾無所亡

失 文王十五生武王九十七而終終時武王八

十三矣於文王受命為七年後六年伐紂後二年

有疾疾瘳後二年崩崩時年九十三年文王崩後

明年生成王則武王崩時成王三年十歲服喪三年

畢成王年十二明年將踐祚周公欲代之攝政羣

救流言周公辟之居東都時成王年十三也居東

二年成王收捕周公之屬黨時成王年十四也明

年秋大熟遭雷風之變時周公居東三年成王年

十五迎周公反而居攝之元年也居攝四年封康

叔作康誥五年作召誥七年作洛誥伐紂至此十

六年也作康誥時時成王年十八故書傳云天子

太子十八稱孟侯洛誥時成王年二十一也明年

成王即政年二十二也尚書正義 禮記文王世子正義



按文王十五以下皆詩正義文文王崩下皆文  
 王世子正義所列全交成王年十三下原本衍  
 年字據文王世子正義刪周公反下原本作則  
 字亦據文王世子正義改而字又按作康誥下  
 文王世子正義接時成王年十八也句五年一  
 段及洛誥時三字皆詩正義文原本才稱孟侯  
 下添居攝也三字蓋誤以禮記正義居攝七年  
 句居攝下又添也字文理錯亂故刪之又孟侯  
 下文王世子正義作居攝七年成王年二十一  
 云云

大誥

王若曰大誥繇爾多邦

王肅以為稱成王命故稱王

按釋文云馬本作大誥繇爾多邦

王周公也周公居攝命大誥則權稱王也

尚書正義明

堂位正義

弗弔天降害于我家不少延

按釋文云割馬本作害不少馬讀不少延為句正義云鄭王皆以延屬上為句

害不少乃延長之

尚書正義

寧王遺我大寶龜

鄭氏古文尚書

卷七

五



受命曰寧王承平曰平時既卜乃後出誥故先云

然同上 詩何 彼禮 天正義

西土亦不靜越茲蠹

周民亦不定其心騷動言以兵應之同上

按原本應之下有當時京師無與應者句乃孔

氏駁鄭語王氏誤采據書正義刪之

殷小腆

腆謂小國也同上

知我國有疵

知我國有疵病之暇同上

朕卜并吉

卜并吉者謂三龜皆從也同上

爾庶邦君越庶士御士罔不反曰艱大

汝國君及下羣臣不與我同志者無不反我之意

云三監叛其為難大

按原本反訛及據書正義改

若考作室既底法厥子乃弗肯堂矧肯構厥考翼其

肯曰我有後弗棄基鄭王本矧肯構下有 此二字與下重出

其父敬職之人其肯曰我有後子孫不廢棄我基

乎詩文王有 正義



康誥

惟三月哉生魄周公初基作新大邑于東國洛四方民大和會

基謀也岐鎬之域處五岳之外周公為於政不均故東行于洛邑合諸侯謀作天子之居四方民間之同心來會樂即功作勅其力焉是時周公居攝

四年也

尚書正義

夫官冢宰疏

按原本作謂其於政不均據冢宰疏剛去謂其二字據大司徒及大司樂疏換一為字又聞之以下肫同心二字亦據大司徒疏增

侯甸男衛邦采

不言要服者以遠于役事而恒闕焉

尚書正義

乃洪大誥治

洪代也周公代成王誥也

同上

王若曰孟侯

鄭以總告諸侯依畧說以太子十八為孟侯而呼成王

同上

由古先哲王

虞夏也

惇彥乃身

刑罰及已為痛病

同上

非汝封又曰劓則人

鄭氏古文尚書

卷二



則臣從君坐之刑

同上

矧惟外庶子訓人

鄭以訓人為師長 同上

惟文王之敬忘

祗祗威威是也

同上

酒誥

成王若曰

馬王本同

明大命于妹邦

應麟案詩成王不取康與此同義

成王所言成道之王

尚書正義

妹邦者紂之都所處也

於詩國屬鄘故其風有沫之鄉則沫之北沫之東

朝歌也其民尤化紂嗜酒今祿父見誅康叔為其

連屬之監

詩幽風正義

尚書正義

桑中

按原本成道之王誤作成王之道據書正義

又小註幽風正義宜改作邶鄘衛譜正義

爾尚克羞饋祀

鄭以為助祭于君 尚書正義

罔敢湏于酒

飲酒齊色曰湏

詩賓筵正義 蕩正義

矧太史友內史友

太史內史掌記言記行

禮記玉藻正義

服休服采

服休燕息之近臣服采朝祭之近臣

尚書正義

若罵圻父

鄭氏古文尚書

卷七

九



順壽萬民之圻父圻父謂司馬主封畿之事圻父正義

梓材

王曰封以厥庶民暨厥臣達大家以厥臣達王惟邦君

於邑言達大家於國言達王與邦君王為三王之

後尚書正義

戕敗人宥

戕殘也夏官大司馬疏

無胥戕無胥虐

無相殘賊無相暴虐同上

惟其塗丹雘

山海經云青邱之山多有青雘尚書正義

按原本脫尚書正義四字今查補

皇天既付中國民付馬本作附釋文



君王

皇天既付中國附馬本

按原本脫尚書正義四字今查補

山海經云青邱之山多有青腹正義

其金既

堆其塗丹腹

山海經云青邱之山多有青腹尚書正義

按原本脫尚書正義四字今查補

皇天既付中國附馬本作釋文



鄭氏古文尚書 卷八

宋 王應麟撰集 羅江 李調元贊撰按

鄭氏註

周書

召誥

惟二月既望

二月三月當為一月二月不云正月者蓋待治定

制禮乃正言正月故也詩文王正義

王朝步自周則至于豐

於此從鎬京行至于豐就告文王廟告文王則告



武王可知步行也堂下謂之步豐鎬異邑而言步者告武王廟即一作行出廟入廟不以遠為文恭

也一云不以遠為父也正義曲禮正義史記註

按史記魯世家注引云步行也堂下謂之步豐鎬異邑而言步者告武王廟即行出廟入廟不以遠為文恭也

惟太保先周公相宅

相視也史記註

越若來三月

是時周公居攝五年周禮大司徒疏

收位于洛汭

畏曲中也尚書正義

按原本隈誤隅據書正義改

若翼日乙卯周公朝至于洛

史不書王往者王於相宅無事也同上

太保乃以庶邦冢君出取幣乃復入錫周公曰拜手稽首旅王若公

所賜之幣蓋璋以皮及寶王大弓此時所賜召公見衆殷之民大作周公德隆功成有及政之期而欲顯之因大戒天下故與諸侯出取幣使戒成王



立於位以其命賜周公

尚書正義以下十七字當在此文下

按原本以皮下及字訛以據書正義改

嗚呼皇天上帝改厥元子

言首子者凡人皆云天之子天子為之首耳

同上

按原本天字下行一子字據書正義刪

厥終智歲瘵在

鄭以瘵為病小人在位殘暴在下故以病言之同上

按原本小註病字訛痛據書正義改

而稽天若

面猶迴向也

同上

服于土中

自用也

同上

拜手稽首曰予小臣敢以王之讎民百君子

拜手稽首者名公既拜興曰我小臣以下言名公

拜訖而復言也百君子王之諸侯與羣吏

同上

洛誥

予惟乙卯朝至于洛師我卜河朔黎水我乃卜澗水

東澗水西惟洛食我又卜澗水東亦惟洛食

我以乙卯日至于洛邑之衆觀名公所卜之處皆

可長久居民使服田相食澗水東既成名曰成周

今洛陽縣是也名公所卜處名曰王城今河南縣



是也詩正義

按原本末句脫也字據詩正義增

佻來來

佻來來者使二人也尚書正義

王肇稱殷禮祀于新邑

猶用殷禮者王者未制禮樂恒用先王之禮樂至

成王即位乃用周禮明堂位正義尚書正義

按原本未制禮下脫樂字據書正義增

孺子其朋

孺子幼少之稱謂成王也尚書正義

享多儀儀不及物惟曰不享

朝聘之禮至大其禮之儀不及物謂所貢篚多而

威儀簡也威儀既簡亦是不享也同上

乃惟孺子頌

成王之才周公倍之猶未而言分者誘掖之言也同上

汝乃是不覆

覆勉也同上

亦未克救公功

救安也春官小祝疏

鄭氏古文尚書

卷八



承保乃文祖受命民

文祖者周曰明堂以稱文王是文王德稱文祖也

詩維天之命正義

越乃光烈考武王

烈威也詩頌雖正義

按原本威訛成據詩正義改

考朕昭子刑乃單文祖德

成我所用明子之法度者乃盡明堂之德明堂者

祀五帝太皞之屬為用其法度也周公制禮典

就其法度而損益用之詩維天之命正義

按原本脫禮字據詩正義增

子以秬鬯二卣曰明禋拜手稽首休享子不敢宿則

禋于文王武王

鄭以文祖為明堂曰明禋者六典成祭於明堂告

五帝太皞之屬也既告明堂則復禋于文武之廟

告成洛邑尚書正義

戊辰王在新邑蒸祭歲文王駢牛一武王駢牛一王

命作用逸祝冊惟告周公其後鄭以蒸祭上屬

歲成王元年正月朔日也用二特牛禘祭文王武

王於文王廟使史逸讀所作冊祝之書告神以周

鄭氏古文尚書

卷八

五



公其宜立為後者謂將封伯禽是非時而特假祖

廟故文武各特牛也詩烈文正義 周禮大宗伯疏 闕宮正義 詩正義云

鄭於顧命之註以居攝六年為年端

按作字烈文正義不引闕宮正義有立字烈文  
闕宮正義俱無又大宗伯疏引云告神周公宜  
立後謂封伯禽是非時而特假祖廟故各特牛  
也

惟周公誕保文武惟七年

文王得赤雀武王俯取白魚皆七年而崩周公不  
敢過其數也天官冢宰疏 詩文工序正義

按天官冢宰疏於此注下又引云以此禮授之

使居洛邑治天下者此周禮本註之文陳君誤

會

多士

惟三月周公初于新邑洛用告商王士

成王元年三月周公自王城初往成周之邑用成

王命告殷之眾士以撫安之尚書正義

非我小國敢翼殷命

翼驅也非我周敢驅取汝殷之王命同上

按釋文云弋馬本作翼正義云鄭王本弋作翼



大淫泆有辭

法馬本作屑過也釋文

肆予敢求爾于天邑商

言天邑商者亦本天之所建

尚書正義

無逸

周公曰嗚呼

嗚呼者將戒成王欲求以深感動之上

君子所其無逸

君子止謂在官長者所猶處也君子處位為政其

無自逸豫也

尚書正義

嚴恭寅畏

嚴馬作儼釋文

其在高宗舊勞于外爰暨小人

為父小乙將師役于外也

史記註

乃或梁闇

楣謂之梁闇謂廬也

同上

其惟不言言乃雍

其不言之時時有所言則羣臣皆和諧

尚書正義

至于小大無時或怨

小大謂萬人上及羣臣言人臣小大皆無怨王也

同上

其在祖甲不義惟王舊為小人



祖甲武丁子帝甲也有兄祖庚賢武丁欲廢兄立弟祖甲以此為不義逃于人間故云舊為小人史記

註尚書正義

按書正義及史記註舊並作久

文王卑服甲馬本作俾使也釋文

文王受命惟中身厥享國五十年

中身謂中年受命謂受殷王嗣位之命詩文王序正義尚

書正義

按位字詩正義作立書正義作位

則其無淫于觀

淫放恣也尚書正義

則皇自敬德王肅本皇作况

皇暇也寬暇自敬同上

不啻不敢含怒

不但不敢含怒乃欲屢聞之以知已政得失之源

也同上

按原本乃欲屢聞下脫之字據書正義增

君奭

其終出于不詳終馬本作崇云受之釋文

又曰天不可信鄭云人又云則鄭以此又曰我道惟



寧王德死

我道馬

本作釋文

周公謂文王為寧王成王亦謂武王為寧王此一

名二人兼之

詩何彼穠矣正義

按此節據詩正義未見為此篇寧王注蓋洛誥乃命寧下注也王氏誤采于此又按書正義解

此寧王云寧王即文也鄭王意同則鄭註此寧

王專指文王也

我聞在昔成湯既受命時則有若伊尹格于皇天在

太甲時則有若保衡

皇天北極大帝

周禮大宗伯疏文記燕世家注

伊尹名摯湯以為

阿衡以尹天下故曰伊尹至太甲改曰保衡阿衡

保衡皆公官

詩長發正義湯正義

保安也衡平也言天下

所取安所取平此皆三公之官當時為之號也

尚書正義

按原本公官作官名據詩長發正義改

天壽平格

鄭注以為專言臣事格謂至于天也尚書正義

格于上帝

此句原本無增附

上帝太微中其統也

史記燕世家注

惟文王尚克修和我有夏亦惟有若統叔有若闕天

有若散宜生有若泰顛有若南宮括

馬本作南君釋文



詩傳說有疏附奔走先後禦侮之人而曰文王有  
四臣以受命此之謂也不及呂望者太師教文王  
以大德謙不以自比焉云周公謙不可以自比  
詩孫正義尚書正義

文王蔑德

蔑小也尚書正義

武王惟茲四人

至武王時虢叔等有死者餘四人也同上

者造德不降我則鳴鳥不聞矧曰其有能格  
者老也造成也詩云小子有造老成德之人不降  
志與我並在位則鳴鳥之聲不得聞况乃曰有能

德格於天者乎言必無也鳴鳥謂鳳也三國志

按原本在位上有行字據三國志注刪

告君乃猷裕

召公不說似隘急故令謀於寬裕也尚書正義

海隅出日罔不率俾

率循也俾使也四海之隅日出所照無不循度而

可使也三國志注一卷

祇若茲往敬用治

召公是時意說周公恐其復不悅故依違託言民

德以剴切之同上



按原本同上二字宜改尚書正義

多方

惟五月丁亥王來自奄

奄國在淮夷之傍周公居攝之時亦叛王與周公

征之三年滅之自此而來歸

幽風譜正義

狎于內亂

習為鳥獸之行於內為淫亂

尚書正義

鄭

天惟五年須夏之子孫

夏之言暇天覬紂能改故待暇其終至五年欲使

復傳子孫五年者文王受命八年至十三年是復

暇五年之事也

詩筆矣正義武正義

按詩譜序正義引多方開厥顧天註云顧由視

念也

我則致天之罰離遠二國土

分離奪汝土

尚書正義







尚書正義

按詩元鳥正義引云三亳者湯舊都之民分為  
三色其長居險故云阪尹蓋東成臯南轅轅西  
降谷也書正義引云湯舊都之民服文王者分  
為三色其長居險故言阪尹蓋東成臯南轅轅  
西降谷也按二經皆作降谷作隆者非

顧命

惟四月哉生魄

此成王二十八年

尚書正義

王不懌

懌馬本作不釋云不釋疾不解也釋文

相被冕服

相者正王服位之臣謂太僕冕元冕

同上

按原本王訛三據書正義改

芮伯

芮伯亦為宗伯

詩桑柔正義

畢公

畢公入為司馬

同上

在後之侗

侗馬本作詞云共也釋文

爾無以釗冒贛于非幾

贛音勅用反釋文

出綴衣于庭



連綴小斂大斂之衣於庭中周禮幕人職疏

越翼日乙丑王崩馬本作成王崩注安氏立政曰成

按通鑑外紀成王二十八年崩

越七日癸酉

癸酉蓋大斂之明日也尚書正義

敷重篋席

篋折竹之次青者同上

華玉仍几

華玉五色玉也同上

敷重底席綴純

底致也篋織致席也同上

敷重豐席

豐席刮凍竹席同上

按禮記禮器正義引顧命敷重筍席鄭云筍折

竹青皮也禮記曰如竹箭之有筠按此節註一

十五字王氏失采

畫純

似雲氣畫之為緣同上

元粉純

以元組為之緣同上

鄭氏古文尚書



陳寶

陳寶者方有大事以華國也同上

赤刀大訓宏璧琬琰在西序大玉夷玉天球河圖在東序允之舞衣大貝鼗鼓在西房允之戈和之弓垂之竹矢在東房

赤刀者武王誅紂時刀赤為飾周正色大訓者禮法先王德教即虞書典謨是也宏璧宏大也大璧

琬琰皆度尺二寸者大玉華山之球也夷玉東北之珣玕琪也一云東天球雍州所貢之玉色如天

者三者皆璞未見琢治故不以禮器名之春官天

河圖圖出于河水帝王聖者所受三國志注十一允也和

也垂也皆古人造此物者之名鼗鼓大鼓也此鼗非謂考工記鼗長八尺者若是周物何須獨寶守

明前代之物與周鼗鼓同名耳大貝書傳曰散宜生之江淮之浦取大貝如車渠是也春官大

按原本脫赤刀者三字又誅紂下脫時字赤刀兩字倒寫俱據書正義增改飾訛節據書正義

及周禮疏改周正已三字周禮疏無據書正義補德教按周禮疏作禮教書正義亦作德教宏

訛和據周禮疏改琰周禮疏作璞又上截春官



天府疏上宜增書正義三字又與周鼓下原本  
脫鼓字據周禮疏增

大輅在賓階面贅輅在阼階面先輅在左塾之前次  
輅在右塾之前

大輅玉輅贅次次在玉輅後為玉輅之貳也先輅  
金輅門側之堂謂之塾謂在輅門內之西北面與  
王輅相對也次輅是金輅之貳與玉輅之貳相對  
在門內之東北面不陳象輅木輅者主於朝祀而

己尚書正義  
周禮典路疏

按原本次訛輅據周禮疏改金輅並訛作象輅

據書正義改按下文言不陳象輅此為金輅明  
矣今改周禮疏作象輅蓋彼傳寫之誤

一人雀弁

赤黑曰雀言如雀頭色也雀弁同如冕黑色但無

藻耳同上

按書正義冕下有黑色二字

執惠

惠狀蓋斜刃宜芟刈同上

四人騏一作  
綦弁

按尚書正義引此句作綦



青黑曰駢詩曰我馬維駢詩出其東門正義魯頌駢正義

執戈

戈即今之句孑戟尚書正義

執劉

劉蓋今鏡斧同上

東堂

序內半以前曰堂同上

執鉞

鉞大斧同上

執戣

戣瞿蓋今三鋒矛同上

按原本無瞿字據書正義增

執鉞

鉞矛屬凡此七兵或施矜或著柄周禮戈長六尺

六寸其餘未聞長短之數同上

側階

東下階也同上

王麻冕黼裳由賓階躋

黼裳者冕服有文者也同上

入中位

鄭氏古文尚書

卷九

六



御酒而諸侯北面上

上宗奉同瑁

上宗猶大宗變其文若宗伯之長大宗伯一人與

小宗伯二人凡三人使其上二人也一人奉同一

人奉瑁上

太史秉書由賓階隣御王冊命

御猶嚮也王此時正位立賓階上少東太史東面

於殯西南面讀策書以命王嗣位之事上

按書正義無位字西南下有面字今補

乃受同瑁王三宿三祭三咤

咤馬作詭釋文

王既對神則一手受同一手受瑁宿肅也徐行前

曰肅却行曰咤王徐行前三祭又三却復本位上

皆布乘黃朱賓稱奉圭兼幣

此幣圭以馬蓋舉王者之後以言耳諸侯當壁以

帛亦有庭實上

曰一三臣衛敢執壤奠皆再拜稽首

此朝兼享禮也與常禮不同釋辭者一人其餘奠

幣拜者稽首而已上

康王之誥

孔氏正義曰伏生以此篇合于顧命共為一篇後人知其不可分而

為二馬鄭王本此篇自高祖寡命已上而於顧命之篇王若已下始為康王之誥



王若曰庶邦侯甸男衛

獨舉侯甸男衛四服者周公居攝六年制禮班度

量至此積三十年再巡狩餘六年侯甸男要服正

朝要服國遠既事遣之衛服前冬來以王有疾留

之詩周頌譜正義

按宋本禮記疏四十一云攝政六年頒度量制

其禮樂成王即位乃始用之原本前冬下來字

訛成據周頌譜正義改又小註脫頌譜二字今

查補

底至齊

馬讀絕句釋文

羣公既皆聽命相揖趨出王釋冕反喪服

羣公主為諸侯與王之三公諸臣亦在焉王釋冕

反喪服朝臣諸侯亦反喪服尚書正義

按原本臣訛侯據書正義改



*[Faint bleed-through text from the reverse side of the page]*

鄭氏古文尚書

宋 王應麟撰

羅江 李調元贊撰按

鄭氏註

周書

呂刑

惟呂命

按原本命訛刑今改

呂侯受王命入為三公書說云周穆王以呂侯為

相尚書正義

按呂侯史記集解引作甫侯



王耗荒

音耗羣經音辨

度作詳刑以誥四方

天官冢宰注

蚩尤惟始作亂

蚩尤霸天下皇帝所伐者

尚書正義

鳩義姦宄

盜賊狀如鳩梟鈔掠良善劫奪人物

同上

奪攘橋虔

有因而盜曰攘橋虔謂撓擾春秋傳虔劉我邊陲

謂相奪人物以相撓擾也

周禮司刑疏

按相奪司刑疏作劫奪宜改

苗民弗用靈制以刑

苗民謂九黎之君也九黎之君於少昊氏衰而棄

善道上效蚩尤重刑必變九黎言苗民者有苗九

黎之後顓頊代少昊諸九黎分流其子孫居于西

裔者為三國至高辛之衰又復九黎之惡堯興又

誅之堯末又在朝舜臣堯又竄之禹攝位又在洞

庭逆命禹又誅之後王

一云穆王

深惡此族三生凶惡

故著其氏而謂之民民者冥也言未見仁道

禮記緇衣

正義尚書正義

按禮記正義作為居于西裔者三苗書正義作



至其子孫為三國今宜正作居于西裔者為三  
苗又按禹攝位至又誅之十三字見書正義緇  
衣正義無小註禮記二字原本訛作詩今查改

爰始淫為劓刵極黥

則斷耳劓截鼻椽謂椽破陰黥謂羈黥人面苗民

大為此四刑者言其特深刻異于辜陶之為

尚書正義

按原本載訛斷特訛持俱據書正義

越茲麗刑并制

越於也茲此也麗施也於此施刑并制其無罪者

詩正月正義

按原本脫茲此也三字據書正義增

皇帝哀矜庶戮之不辜以下

鄭以皇帝哀矜庶戮之不辜至罔有降格皆說顯

項之事乃命重黎即是重黎之身非羲和也皇帝

清問以下乃說堯事顯項與堯再誅苗民故上言

過絕苗民下云有辭於苗異代別時非一事也

按原本辭訛事據書正義改

伯夷降典折民惟刑

折音慈釋文

自作元命

大命謂延期長久也

尚書正義



乃絕厥世

天以苗民所行腥臊不潔故下禍誅之上同

庶有格命

格登也登命謂壽考者上同

俾我一日非終俾馬本作終哀也釋文

王曰吁來吁馬本作于於也同上

有邦有土告爾詳刑

詳審察之也後漢書劉愷傳注

五過之疵惟官惟反惟內惟貨惟來來馬本作求有求請賊也

其罪惟均其審克之

不言五過之疑有赦者過不赦也禮記云凡執禁

以齊衆者不赦過尚書正義

千鍰見余蕭客古經解鈎光

所出金鐵也死罪出三百七十五斤用財少耳史路

後紀注十二

文侯之命

王若曰父義和

義讀為儀儀仇皆訓匹也故名仇字儀尚書正義

亦惟先正克左右昭事厥辟

先正先臣謂一作公卿士大夫也文選九鈔文注三國志魏書武

鄭氏古文尚書

卷十一

句



注帝紀

按文選謂作為裝誣作謂又正義曰鄭元以此形弓旅弓為周禮唐弓大弓唐大是弓強弱之名形旅于弓赤黑之色

費誓費一作柴

按史記作盼誓集解曰徐廣立作鮮一作細又按尚書作柴誓索隱曰尚書作柴誓今尚書大傳作鮮誓鮮誓即盼誓古今字異義亦變也

公曰嗟人無譁

人謂軍之士眾及費地之民

尚書正義

善敵乃甲冑

敵謂穿微之

同上

敵乃干

敵猶繫也

同上

無敢不吊

吊猶善也

同上

牝牛馬

牝為犴犴之牝施牝於牛馬之脚使不得走失

同上

按釋文云杜本又作敵

鄭氏古文尚書

卷十

五



山林之田春始穿地為穿或設獲其中以遮獸獲

柞鄂也同上

按柞鄂書正義云獲作鄂也

馬牛其風臣妾逋逃

風走逸臣妾廝役之屬也史記註

無敢寇壤

寇劫取也詩蕩正義因其亡失曰攘博士讀曰襄爾雅疏

汝則有無餘刑非殺

無餘刑非殺者謂盡奴其妻子不遺其種類在軍

使給廝役反則入於罪隸春藁不殺之尚書正義

峙乃芻茭

茭乾芻也同上

秦誓

嗟我士聽無譁

誓其羣臣下及萬民獨云士者舉中言之尚書正義

其心休休焉

休休寬容貌大學釋文



林和實容

其以林林

警其

與亦士

奉

文

以







